

reparatio quidem mundi per quatuor maxima beneficia mundo prestita in uerbis premissis exprimitur. quorum unum est uniuersitatis complecio. Vbi venit plenitudo. Secundum filij dei incarnacio. Misit deus. Tercium humani generis redemptio. Ut eos qui sub lege. Quartum celestis patris adopcio. Ut adopcionem filiorum recipereamus &c. Plura descripsi, quia non occurrit Autor, qui est *Petrus de Tarentasia* jam quidem relatus, sed absque hoc Prooemio. Ad calcem accedit Elenchus Distinctionum cum suis Quaestionibus.

DXLI.

R. 80 Codex membraneus lat. Sec. XIV. Folior. 177. 4. per duas columnas exaratus, rubricisque distinctus est *Commentarius in Librum III. Sententiarum*, qui incipit: *Cum uenit igitur.* (Verba Pet. Lombardi) D. I. *Queritur utrum diuina natura potuerit uniri cum humana, uidetur quod non. Sicut unire est agere. sic uniri est pati. sed diuinam naturam impossibile est pati. ergo impossibile est eam cum alia uniri. &c.* Finis: *Hanc domum sapientie hijs septem columpnis edificatam adueniens christus uacuam inuenit et eam sua maiestate impleuit. Explicit. Deo gracias.* Autor non est *Alex. Aletis*, *Albertus M.* *Thomas Aquin.* *Joh. Duns*, *Guil. Occamus* praecipui in *Magistrum Sententiarum* Commentatores, multum tamen congruit cum *Bonaventura*, apud quem T. V. *Opp.* edit. *Lugd.*

1668. p. 4. argumentum supra adductum paene ad uerbum legas. Aetas Scriptoris nostri aliquantum ex eo liquet, quod *Guilelmum Parisinum* citet, quem constat obivisse anno 1249.

DXLII.

Codex chartaceus lat. Sec. XV. U. 409

Folior. 285. f. per duas columnas non una manu scriptus sequentia complectitur: I. *Commentaria in III. Librum Sententiarum Petri Lombardi*, quorum initium: *Cum venit ergo plenitudo temporis &c. Iste est tercius liber sententiarum Petri lombardi. In quo Magister specialiter et principaliter agit de misterio nostre reparacionis. Nam postquam in Libro precedenti &c. Extrema: quam nobis conferat ipse legem qui dedit Ihesus Christus Deus in secula benedictus Amen. Cum Quaestionum Elencho.*

II. fol. 140. sequitur, ut e calce adsumo, *Tractatus de Consolatione theologie Magistri clarissime memorie Johannis Gerson cancellarij parisiensis.* Legitur haec IV. Libris comprehensa *Boethii* imitatio *Ed. Opp. Amstelod. dictae Antwerp. 1706. T. I. P. 1. col. 125.* cui prorsus consentit *Exemplum nostrum*, nisi quod praeter *Tabulam praeviam συνοπτικην* ad calcem etiam alphabetica auctum fit. Prooemii initium est: *Quaecunque scripta sunt, ait magnus ille discipulus theologie paulus &c.*

III. fol. 162. Excerpta e *Marchesinii O. M. Vocabulario sacro*, quod vulgo *Mammotreptus* audit,

et Sec. XV. frequentius typis prodidit, quorum initium fol. 171. p. 2. quaerendum est, et ita habet: *Apud hebreos Nisan dicitur Aprilis &c. Abrumpuntur fol. 170. p. 2. in his verbis: ouant et ouans non est plus in usu.* Puta: non reperitur in Scriptoribus latinis, qui ad nos pervenerunt, ex quo capite Grammatici quidam recentiores pluribus *Verbis defectivis* torserunt Pueros, quasi vero tota lingua Romana ad verbulum in superstitibus illis Scriptoribus contineretur.

IV. fol. 170. p. 2. Aliud Fragmentum hoc initio: *Ad preces Studentium dum essem lector in monte pessulano et ut fratres pauperes sub compendio sententias haberent librorum Sententiarum Ego frater Johannes de fonte Ordinis minorum fratrum per modum conclusionum Sententialiter distinctionem quamlibet eiusdem voluminis recollegi.* Ut jam supra. Verum post 3. columnas Librarius retraxit manum de tabula. Notat Opus istud *Waddingus* in *Bibl. Ord.* nil vero de Autore, nisi *Gallum* fuisse.

V. fol. 172. finem faciunt Quaestiones lectae e *Quodlibetis Henrici Bonicollii* (Goethals) dicti de *Gandavo*, qui *Parisiis* nomen *Doctoris Solemnis* emeruit, et anno 1293. *Tornaci* decessit. Ordo nullus servatus est; incipiunt enim a *Quaest. 13. VI. Quodl. Vtrum status virginalis sit supra conjugalem*, et mox sequitur *Quaestio 29. Quodl. XII.* Impressa sunt, teste *Foppenio* in *Bibl. Belg. Quodlibeta Henrici Venet. 1518.* et

1613. f. sed et alia ab eodem *Mss.* memorantur, quae, an ab *Impressis* distincta sint, nescio.

DXLIII.

Codex chartaceus lat. Sec. XV. U. 313 Folior. 237. 4. commode perscriptus et rubricis distinctus Doctoris cujusdam *Vindob. Lecturam in Librum III. Sententiarum Petri Lombardi* exhibet, in qua mihi videor *Thomae Haselbachii* manum agnoscere. Prolusionis ingressus est: *In actu presenti tria per ordinem restant facienda. Tria haec sunt: Collationem quandam et praesertim 3ⁱⁱ Sententiarum Libri praemittere, Quaestionem quandam defendere, et singulis actum praesentem visentibus gratias referre. Quo ad primum resummo thema in prioribus meis principiis assumptum. Pater sanctificavit et misit in mundum. Job. 10. Ex hoc Themate cognosci posset Autor, si subpeterent plures Codices id praeferentes. Quaestio, quam defendendam proponit, est: *Vtrum pater in diuinis suum in mundum mittendo filium ipsum decorauerit caritate infinita et omniscientie largitione*, eamque confert cum *M. Job. Himmel* noto Theologo nostro et *F. Henrico de Colonia O. P.* qui inter annos 1424—46. septies Decanatu Facult. Theol. functus est. Lecturam denique suam a *Dist. VIII.* orditur.*

Codex utrinque vestitur Membrana continente *Literas Antonii Praepositi ecclesie omnium sanctorum*